



Jumat, 08 September 2022

Ogen: Daniel 2:1-13



Gulut Ukur Erkiteken Nipi



Nipi eme rudang-rudang sanga tunduh. Lit kalak si ngatakenca maka nipi enda labo perlu kal itanggapi, tapi lit ka nge nipi e reh selaku pertanda ntah persinget kerna hal-hal si penting. Saja megati lit nipi mehuli sierbahanca meriah ukur lit ka nipi gulut sierbanca maka jadi tangkelen. Bageme raja Nebukadnesar i bas ngaloken sada nipi gulut. Ikataken nipi gulut perbahan kenca ernipi e lanai ia banci tunduh ras merincuh ia ngangkai ertina. Saja arah pengalamen raja Nebukadnesar, kita banci erlajar, uga kin situhuna mengelola nipi si payo.

Raja Nebukadnesar selaku kalak si la nandai Jahwe, tentuna ibas litna si ngerongketi pusuhna idaramina ahli-ahli nipi bas kerajanna. Itenahkenca guru si baso, ahli-ahli perbintangan si megati jadi *mediana* ibas nungkungi roh-roh dewa-dewa siisembahna. Tapi labo bagi sura-surana jadi, sebab guru-guru si basona ndai pe labo ngasup ngetehsa ras ngertiken nipi raja. Sierbahanca raja merawa ras ersura-sura ngukum guru-guru sibaso e erkiteken la kepe ergegeh dewa-dewa, kuasa siniakapna sedekah enda ngasup meteh si la ieteh manusia biasa. Iundur-undur guru sibaso ndai lalap waktu gelah nggit raja nuriken isi nipina. Tapi dungna raja ngeteh maka labo kepe lit si ngasup njabab erti nipina e.

Kai sipelajari arah sie, emekap ula salah ingan ngendes ibas litna gulut ukur erkiteken nipi. Endesken man Tuhan, labo perlu ku dukun-dukun, ngenen zodiac-zodiac ntah pe merincuh kel nungkungi kalak si lit nina pengenehenenna. Baba ku Tuhan arah toto adi ernipi gulut kam, turiken man Tuhan gelah iangkatNa kebiaren ras atendu ndele ban nipi e, sungkun IA kai antusen nipin e, pindo baNa gelah si ilat isilahken bas kita nari. Jenari kataken bujur sebab Tuhan enggo ngelayasi ukur. Ula ibelin-belinken. Salihken gulur ukur jadi keriahen.